

300



**Komisija za obilježavanje, čuvanje i
njegovanje historijskih događaja i ličnosti**

Broj: 01-05-4033-5.1/16
Sarajevo, 10.03.2016. godine

PREDMET : Prijedlog odluke o izmjeni naziva ulice, odnosno preimenovanju ulice na području Općine Novi Grad – dostavlja se

U prilogu akta dostavljamo Vam Prijedlog odluke o izmjeni naziva ulice, odnosno preimenovanju ulice na području Općine Novi Grad – MZ „Dolac“.

Predlažemo da Skupština u skladu sa Poslovnikom Skupštine Kantona Sarajevo donese navedenu Odluku.

S poštovanjem,



PREDSJEDAVAJUĆI KOMISIJE

Nermin Bjelak





Na osnovu člana 5. Odluke o obilježavanju ulica, trgova, parkova, mostova, institucija i ustanova imenima i zgrada brojevima na području Kantona Sarajevo („Službene novine grada Sarajeva“, broj: 7/94) i („Službene novine Kantona Sarajevo“, broj: 12/06), na prijedlog Komisije za obilježavanje, čuvanje i njegovanje historijskih događaja i ličnosti, Skupština Kantona Sarajevo na sjednici održanoj dana _____ donijela je

PRIJEDLOG

ODLUKU
o izmjeni naziva ulice, odnosno preimenovanju ulice
na području Općine Novi Grad

I

Ovom odlukom vrši se izmjena naziva ulice, odnosno preimenovanje ulice na području Općine Novi Grad - MZ „Dolac“ kako slijedi:

1. Ulica Safeta Isovića Čikma, mijenja se i glasi: **Ulica „Nusreta Aganovića“**.

II

Nadležni organ uprave Općine Novi Grad dužan je da u što kraćem roku izvrši izmjenu naziva ulice u MZ „Dolac“, a Zavod za planiranje razvoja Kantona Sarajevo dužan je u roku od 8 dana uvrstiti u Registar ulica, trgova i mostova, naziv iz tačke I ove odluke.

III

Ova odluka objavit će se u „Službenim novinama Kantona Sarajevo“.

Broj:
Sarajevo:

PREDSJEDATELJICA
SKUPŠTINE KANTONA SARAJEVO

Prof. Ana Babić





OBRAZLOŽENJE

Komisija za obilježavanje, čuvanje i njegovanje historijskih događaja i ličnosti Skupštine Kantona Sarajevo na sjednici održanoj dana 23.02.2016.godine je razmatrala Prijedlog Općinskog Vijeća Novi Grad kao i Zaključak Općinskog Vijeća Novi Grad, iste usvojila, utvrdila Prijedlog ove odluke, i istu uputila u skupštinsku proceduru s cjelokupnom dokumentacijom na razmatranje i usvajanje.

Popratna dokumentacija



web: <http://skupstina.ks.gov.ba>
e-mail: skupstina@skupstina.ks.gov.ba;
Tel: + 387 (0) 33 562-055,
Fax: + 387 (0) 33 562-210
Sarajevo, Reisa Džemaludina Čauševića 1



1050

1575

TACKA 50

BOSNA I HERCEGOVINA
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
OPĆINSKO VIJEĆE
Služba za poslove Općinskog vijeća

Bosna i Hercegovina
Kanton Sarajevo
30-12-2015
01

Broj: 01-02-27229 /15
Sarajevo, 8.12.2015. godine

SKUPŠTINA KANTONA SARAJEVO
Komisija za obilježavanje, čuvanje i njegovanje
historijskih događaja i ličnosti

PREDMET: Prijedlog preimenovanja ulica na području općine Novi Grad Sarajevo

U prilogu akta vam dostavljamo prijedloge preimenovanja ulica na području općine Novi Grad Sarajevo na postupanje u skladu sa nadležnostima.

S poštovanjem



SEKRETAR OPĆINSKOG VIJEĆA
Elvir Kosovac

Dostaviti:
Naslovu
- U evidenciju

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
Općinsko vijeće

Broj:01-02-25062/15
Sarajevo, 30.11.2015. godine

Na osnovu člana 119. i 120. Poslovnika o radu Općinskog vijeća Novi Grad Sarajevo ("Službene novine Kantona Sarajevo" broj 40/13 i 10/15), Općinsko vijeće Novi Grad Sarajevo, na 32. sjednici održanoj 30.11.2015. godine, donijelo je

ZAKLJUČAK

- Općinsko vijeće Novi Grad Sarajevo prihvata prijedlog Savjeta Mjesne zajednice Dolac za preimenovanje ulice Safeta Isovića čikma u ulicu Nusreta Aganovića, kao i prijedlog Savjeta Mjesne zajednice Briješće za preimenovanje ulice Brezanska kod broja 41 u ulicu Braće Čamdžić.
- Zaključak dostaviti Komisiji za obilježavanje, čuvanje i njegovanje historijskih događaja i ličnosti Skupštine Kantona Sarajevo radi provođenja utvrđene procedure izmjene naziva ulica.



PREDSJEDAVAJUĆA
OPĆINSKOG VIJEĆA

Gabela
Edina Gabela

Dostaviti:

1. Općinskom načelniku
2. Sekretaru organa državne službe
3. Komisija za obilježavanje, čuvanje i njegovanje historijskih događaja i ličnosti Skupštine Kantona Sarajevo
4. U evidenciju
5. a.a.

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinsko vijeće

PRIJEDLOG

O PROMJENI NAZIVA ULICA NA PODRUČJU OPĆINE NOVI GRAD SARAJEVO

Sarajevo, novembar 2015. godine

Komisija za obilježavanje značajnih događaja i ličnosti Općinskog vijeća Novi Grad Sarajevo u više navrata je razmatrala inicijative o davanju naziva ulicama na području općine i s tim u vezi tražila dodatne informacije i obrazloženja radi objektivnog sagledavanja dostavljenih prijedloga.

Poslovničkim ovlaštenjima dato je pravo ovom radnom tijelu da, pored ostalog, daje mišljenje o utvrđivanju imena ulica, trgova, javnih institucija, naselja, mostova i drugih objekata na području općine, o čemu odluke donose nadležni organi i institucije.

Zakonom o principima lokalne samouprave u FBiH stavljeno je u nadležnost općinskim vijećima, kao organima odlučivanja jedinica lokalne samouprave, da u okviru svojih nadležnosti donose i odluke o organizaciji mjesne samouprave i nazivima ulica, trgova i dijelova naseljenih mjesta.

S tim u vezi Komisija za obilježavanje značajnih događaja i ličnosti Općinskog vijeća je, nakon što provedena propisana procedura, utvrdila i dala pozitivno mišljenje na:

① – Prijedlog za preimenovanje ulice Safeta Isovića čikma u ulicu Nusreta Aganovića.

Uz ovaj prijedlog dostavljen je Zaključak Savjeta Mjesne zajednice Dolac, peticija građana, skica lokaliteta ulice (čikme) i saglasnost supruge sa biografijom: Nusret Aganović je rođen 2.11.1952. godine u Kraborišu kod Goražda, osnovnu školu je završio u Ilovači, a srednju trgovačku školu u Sarajevu, gdje je živio i radio do rata. Među prvima je pristupio vojnim odredima i sudjelovao u organizaciji otpora agresoru, boreći se od prvog dana rata, hrabro i odlučno, u redovima II viteške motorizovane brigade. Poginuo je 12.12.1992. godine na borbenom zadatku na Žuči (Vis), a o njegovom herojstvu govori činjenica koliko je daleko išao sa ciljem da odbrani jednu od najvažnijih kota za grad Sarajevo da je njegovo tijelo sa neprijateljskih pozicija izvučeno tek peti dan. Iza rhm. Nusreta Aganovića su ostali supruga i tri maloljetna djeteta, a njegova tri brata su iz rata izašli kao ratni vojni invalidi sa visokim postotkom invalidnosti.

② – Prijedlog za preimenovanje ulice Brezanska kod broja 41, u ulicu Braće Čamdžić.

Uz ovaj prijedlog je dostavljen Zaključak Savjeta Mjesne zajednice Briješće, skica lokaliteta ulice, peticija građana i saglasnost roditelja sa biografijom: Izet Čamdžić je rođen 2.1.1972. godine u Ahovcima kod Višegrada. Završio je srednju školu i do rata bio zaposlen u Centrotransu. Po izbijanju agresije, odmah je pristupio odbrani naše zemlje u redovima Armije Bosne i Hercegovine. Poginuo je u Briješću kod osnovne škole u septembru 1992. godine.

Mladi brat Mirzet Čamdžić, rođen u Ahovcima kod Višegrada 17.10.1974. godine, a živio je kod brata u Sarajevu do rata. Maloljetan je pristupio Armiji Bosne i Hercegovine od početka agresije, u kojoj je za odbranu države dao život – poginuo je u julu 1992. godine na području Višegrada.

S obzirom da su se stekli uvjeti za nastavk procedure predloženih preimenovanja ulica na području Općine Novi Grad Sarajevo, predlaže se Općinskom vijeću da donese sljedeći

ZAKLJUČAK

- Općinsko vijeće Novi Grad Sarajevo prihvata prijedlog Savjeta Mjesne zajednice Dolac za preimenovanje ulice Safeta Isovića čikma u ulicu Nusreta Aganovića, kao i prijedlog Savjeta Mjesne zajednice Briješće za preimenovanje ulice Brezanska kod broja 41 u ulicu Braće Čamdžić.
- Zaključak dostaviti Komisiji Skupštine Kantona Sarajevo radi provođenja utvrđene procedure izmjene naziva ulica.



PREDSJEDAVAJUĆA
OPĆINSKOG VIJEĆA

Edina Gabela